

25 AUG 1998

PERDANA MENTERI MULAKAN LAWATAN KE SELANGOR

SHAH ALAM, 25 Ogos (Bernama) -- Datuk Seri Dr Mahathir Mohamad memulakan lawatan kerja sehari ke Selangor hari ini dengan mengadakan pertemuan dengan pemimpin Umno negeri di kediaman rasmi Menteri Besar Datuk Abu Hassan Omar di Bukit Megawati di sini.

Ketibaan Perdana Menteri yang ditemani isterinya Datin Seri Dr Siti Hasmah Mohd Ali disambut oleh Abu Hassan dan pemimpin Umno negeri yang lain.

Pertemuan tertutup itu bermula pada pukul 12 tengah hari.

Petang ini, Dr Mahathir akan berucap pada majlis "Pemimpin Bersama Rakyat" di Stadium Malawati di sini.

Pada majlis itu juga, beliau akan menerima sumbangan rakyat Selangor sebanyak RM2 juta untuk Dana Khas Negara yang akan disampaikan oleh Abu Hassan.

Dr Siti Hasmah sementara itu mengadakan pertemuan dengan pemimpin Wanita Barisan Nasional Selangor di Bangunan Sultan Salahuddin Abdul Aziz Shah.

-- BERNAMA

AZH NMO